

永順縣志卷二十四

縣人 文 琴 張 孔 修

編

武備志第七

谿山師旅夙號雄聯為指臂克奏膚功西摧都掌東抵蘇松南征米魯北遏遼東  
邑梅石砭後溪宋農匪無勁卒孫此兵鋒明清興廢世逮康雍輸誠吐款戢矢囊弓  
駐防營汎患弭并蜂團練警備氣燄熊熊志武備

武備一

〇〇兵制

明

國家兵制

設有頭目洞老十名隸兵八名正德間裁大明會典

土司有擔承苗疆之責辰州西南一帶苗有鎮筵之分恃強負固允非一朝朝廷兵威

永順縣志卷二十四

武備志 兵制

在所不懼惟畏永保土兵故令永順司擔承鎮苗保靖司擔承鎮苗如鎮苗大肆焚劫

責成永順司贖取算苗則責成保靖司逮清初尚沿其制云辰州府志永保總說載大

苗寨分責各土司承管又云永順司約東鎮苗保靖司約東竿苗每歲俱有擔承到部及

鎮筵時亦分段令永保兩宜慰撫苗疆議中有云五溪之地既設哨矣哨既又有官有兵矣則哨

官於兵略夷情必日夜講求如農之有畔熟險阻於苗疆以利害於上然後守可得而

固戰可得而克也其一曰責擔承之有畔熟險阻於苗疆以利害於上然後守可得而

實效夫兩宜慰撫兵固厚恩惟敵是求不必專倚土會為緩急然擔承題明旨分何存

雖在我疆吏自當勵兵固厚恩惟敵是求不必專倚土會為緩急然擔承題明旨分何存

表靖恭而棄命廢職速也其已往之咎責以將來之忠擔承苗集嚴加鈐制如有侵軼即發

道也宜諭二宜慰撫司恕其已往之咎責以將來之忠擔承苗集嚴加鈐制如有侵軼即發

兵職厥首惡能勤職於土官嘉獎之勉為忠義以保業享名其為恩實深且厚矣既分

避必勇不惟以固吾圉而激勵士司勉為忠義以保業享名其為恩實深且厚矣既分

隆湖南通志載康熙三十九年湖廣總督郭琇上疏略謂辰州西南一帶苗倚箐峒為寨

蓋數百處漢土邊民頻遭擄竊惟藉鎮筵一郭琇兵威彈壓歷任督撫提鎮諸臣止箐議以永



互爭三十三年苗以乘暴歸仁訴永順司兩經詳批仍歸舊土司管今皆願改土歸流應將苗民歸辰沅道管轄則撫馭得人苗民沾化矣

### 土司兵制

三知州六長官司地方分爲五十八族其目爲辰利東西南北雄將能精銳愛先鋒左韜德茂親勳策右畧靈通鎮蓋忠武敵兩星飛義馬標衝水戰湧祥龍英長虎豹嘉威捷福慶凱旋智勝功以七字爲句每一字爲一族凡五十六族後添設請謀二字共五十八族此外更有戎獵鑲苗米房鼓吹手六族伴備七族長川族散人族總管族族各有長管轄有事則調集爲軍以備戰鬪無事則散處爲民以習耕鑿李氏縣志坊里篇土司有經制把總三十一員分管五十八族隨堂辦事大明會典湖廣土兵永順爲上保靖次之其兵天下莫強焉其陣法每司立二十四旗頭每旗一人居前次三人橫列爲第二重次五人橫列爲第三重次七人橫列爲第四重又其次七八人橫列爲第五重其餘皆置後驩呼助陣若在前者敗則二重居中者進補兩翼亦然勝負以五重爲限若皆敗則無望矣每旗一十六人二十四旗合三百八十四人

## 永順縣志

### 卷二十四

#### 武備志 兵制

二

皆精選之兵也其調法初檄所屬照丁揀選宣慰籲天祭以白牛牛首置几上銀副之下令曰有敢死衝鋒者收此銀啖此牛首勇者報名彙而牧之更盟誓而食之其節制甚嚴止許擊刺不許割首違者與退縮皆斬故凡戰必捷人莫敢撓又湖廣九溪等衛容美宣慰等司桑植安撫長官等司及麻寮等所上茶峒等峒各有驍勇士兵惟永保土兵鈎鏹鎗弩之技較爲精工其調時必分永保爲二班弘治中平思恩正德中平蜀多其力嘉靖中倭亂東南王江涇之捷永保之功爲第一云陳仁錫明世法錄王圻續文獻通考永順鈎刀手爲廣西諸徭所畏明史廣西土司柳州傳永順鈎刀手嘗破廣西賊李錫傳土司有存城五營兵丁每營一百名一以備捍禦一以供役使其兵丁每名領工食銀三兩六錢米三斗六升皆從民間派給張氏府志檄示永順司治西二里許有校場坪土人常於此處演武又西北五里有搏射坪又北五里曰射圃地勢鈎寬敞土人每於此二處搏射又有洗甲溪土兵奉徵調時洗鎧甲之所

也王氏縣志

清

永順協營兵制

雍正七年題定永順縣桑保二縣接壤應設副將一員守備一員千總二員把總四員  
 外委六員兵丁八百名將桑植原設副將移駐永順所需備弁兵丁應撥湖北均房營  
 守備一員尋改都司千總二員把總四員兵丁一百六十名馬兵十八名戰兵三十名抽撥辰  
 州協兵一百九十五名馬兵二名戰兵二十名永定營兵七十名馬兵七名戰兵十二名  
 總督標兵六十名均戰兵南巡撫標兵二十名馬兵二名戰兵四名北巡撫標兵二十名馬兵  
 二名戰兵四名 提督標兵一百二十五名馬兵十二名戰兵八十八名 彝陵鎮標兵一百五  
 十名馬兵二十五名戰兵一百名 總歸永順協以足應設守備員弁兵丁之數府志是年裁馬  
 兵六名添設外委千總二員把總四員乾隆二十七年裁馬兵二名添設額外外委二  
 員先年副將那蘭保詳准添設便委二員至是改為額外外委 四十七年裁養廉公費虛糧舊例副將以下把總以  
以為養贍家口僕從之需副將三十名都司十名千總五名把總四名均於步兵缺內頂  
補至是年議准挑補刪除名糧虛額改給各員養廉其一切營伍公費另行赴藩司請領

永順縣志 卷二十四

武備志 兵制

三

戰兵五十二名守兵八十六名添實馬兵十六名戰兵五十名守兵十七名嘉慶二年  
 裁且武汛把總外委各一員馬兵十五名守兵五十五名撥歸新設古丈坪營九年裁  
 戰兵三名守兵七名撥歸芭茅坪二十年裁戰兵十六名守兵十六名道光十二年裁  
 馬兵十一名添戰兵十一名二十一年裁馬兵一名守兵一名撥歸耒陽東湖汛三十  
 年裁馬兵一名守兵二名撥歸寶慶新坪營咸豐二年裁馬兵九名光緒初實存官副  
 將一員都司一員千總二員把總三員外委千把總五員額外外委二員馬兵四十四  
 名戰兵一百八十三名守兵三百九十三名官例馬二十六匹騎操馬四十四匹通志  
 後出缺不補陸續裁汰二十八年報經裁兵一百三十六名三十二年又報裁兵二百  
 四十二名實存馬戰守兵二百四十二名又將副將一員裁缺以都司管轄全營東南  
奏稱綠營器械太窳兼多老弱充數不足以禦外侮而平內寇請另募新軍力修武備旋  
奉部議新軍餉糈無出准將各直省綠營兵額統限十年裁盡即將騰出之餉為募練新  
軍之費嗣後制兵額內遇有缺出即停募不補以期裁汰於無形於是永順協兩缺詳報  
共裁馬戰守兵三百七十八名部議以存兵無多不須仍設統兵大員遂將副將裁缺陸  
部司管轄全營 宣統三年永順綠營弁兵盡數裁撤兩湖總督湖南巡撫以鳳凰乾州永綏保  
靖古丈五屬地處苗疆為湘西藩籬會同

奏請准將存兵均予免裁其他有苗疆邊隘一時未經彙同奏請之處仍准詳請援案辦理縣屬官紳以永順爲土苗舊地請照前案准將所有存兵免裁適因國體驟更章程案亂遂致存兵二百四十二名不裁自裁而縣屬全境自是無一守土官兵矣

校場原在大西門外鷺鷥莊後移城南門內考棚左建演武廳三間退食廳三間左右廂房各三間看守兵丁住房二間廳左立帥旗臺一座高八尺八寸四方每方廣一丈二尺旗竿高四丈八尺前立照壁一座高一丈八尺八寸八分廣如之至民國均毀箭道在協署左火藥局軍器局在縣城內文昌閣後

額設坐操馬匹數目詳食貨志經費條定例官例馬不報倒操馬按十分之三報倒赴藩司請領朋銀購買足額

額設軍裝器械協營成立時卽行請帑製造其出師損失及年久朽蠹不適用者許隨時詳請補給茲據檔册開載如右

大旗八面桿 小旗八十八面桿 七星旗五面桿 八卦旗五面桿 緞甲四副 布甲四百八十副 弓箭撒袋二百二十四副 號帽一百頂 號褂一百件 得勝

### 永順縣志 卷二十四

武備志 兵制 四

領褂二百四十八件他營多青藍色惟永順協及三廳兵腰刀三百二十口 雙手帶

刀二十口 籐牌八十面永順協籐牌 牌刀八十口 鳥鎗三百六十桿 鑼鍋六十

四口 帳房五十六頂 鐵鍬五十把 鐵鋤四十二把 鐵鏟七十二把 鐵斧二

十把 鐵尺十把 弩弓十二張 弩箭四百八十枝 儲備戰箭二千枝 儲備火

藥四千觔 儲備鉛彈二千四百八十觔 子母礮二位 抬礮十八位安設各門

威遠礮每門二位 藥葫蘆四十六個 背牌二十二個 九龍袋十二個 虎叉四

把 月鏟四把 雙頭棍二根 單頭棍二根 長矛八十四桿 鈎連鎗木桿十八

根

協營救火器具 雲梯一張 抬桶六個 水桶二十擔 火鈎八十二把 托叉四

十把 麻搭二十根 麻繩二十根 鐵鏟二十個 太平缸六口 水龍二架內麻搭火

鈎雲梯等件係同治十三年副將馬朝龍由辰州購來

### 古丈坪營兵制

原係永順協且武營嘉慶二年改設都司一員千總把總外委把總各二員額外外委三員又將永順協把總外委把總各一員撥歸本營新募戰兵二百一十七名守兵一百六十三名又由永順協撥來馬兵十五名守兵五十五名合計四百五十名從兩湖

總督畢沅請也

時沅奏添設營汛官兵事宜內有云查古丈坪係永順縣所屬地處扼要為永順保靖瀘溪向無營汛該處附近之且武營土蠻坡龍鼻嘴山

棗溪新碧五處向撥永順協屬之把總一員外委一員兵七十名分駐各汛每汛只有兵十餘名不敷防範今擬於古丈坪設營駐兵為永順一帶瀘溪擬請該處添設都司一員

千總二員把總二員外委二員額外三名兵四百名合原駐兵七十名共四百七十名駐劄本營分安各汛練常德提督統轄永順協分轄云云悉如所請行之惟所募新兵少二

十是年六月撥去二十五名歸辰沅道標下分遣乾鳳永三廳聽用道光二十三年裁

戰守兵四名撥歸天津海口二十五年裁兵一名撥歸耒陽東湖汛三十年裁戰守兵

二名撥歸寶慶新平營咸豐六年裁馬兵二名光緒初實存經制官都司一員千總二

員把總三員外委把總三員額外外委三員馬兵八名戰兵二百一十六名守名二百

一十四名官例馬十四匹騎操馬十四匹二十三年裁戰守兵八十八名又遇出缺不

補者六名實存兵三百四十四名三十一年本城馬兵八名戰守兵一百五十七名附

### 永順縣志 卷二十四

武備志 兵制 駐防 五

城新碧汛戰守兵三十七名且武營林機坡汛共戰守兵五十四名黑潭坪排沙汛共

戰守兵五十五名通志參宣統初部議以古丈坪廳係苗疆所有存兵四百三十一名

准予免裁民國二年古丈置縣兵制詳略無庸贅述

### 古丈廳苗兵制

額設苗守備一名苗千總二名苗把總四名屯把總一名苗外委十二名屯額外一名

縣志

以上各官俱由同知管轄遇有事故開除把總外委由同知考拔詳辰沅道發給條

劄守備千總由同知遴選送道考拔

總屯長一名散屯長四名屯百總屯小旗屯兵一百名又苗兵一百名縣志

以上總長旗兵等俱由同知考拔民國二年古丈既經置縣實與永順脫離其廳苗

兵制存毀不錄

民國

永順縣兵制

詳後警備隊

○○徵調

案宋史西南溪峒諸蠻傳載咸平六年益州軍亂議者恐綠江下峽乃集施黔高溪蠻豪子弟悍禦羣蠻溪州兵之受徵調此為見端其他若帝紀列傳中所書或侵暴中原或攻擊鄰境者不一而足斷能聽朝廷命令往往難之惟至有明一代歷藉土兵以平大難功績爛簡策焉攷陳仁錫明世法錄洎王圻續通考並謂西南邊服各土兵黔曰蒙氏蜀曰石砭粵西曰瓦氏及東蘭等州狼兵均堪臂使而湖廣土兵尤常調用以取勝永順彭翼南為上保靖彭蓋臣次之凡戰必捷人莫敢撻其鋒又明史土司傳亦謂永保諸宣慰世席富強兵最彊雄每遇征伐徵調四出今臚舉之以備攷而前清之調永順兵可隨錄焉

明

太祖洪武十二年總兵楊仲銘調永順兵征大小鉛廠

李瑾永順縣志

永順縣志

卷二十四

武備志 徵調

六

案通鑑輯覽載洪武十一年五開蠻吳面兒作亂殺靖州衛指揮過興詔以辰州指揮使楊仲明為總兵官討之面兒遠遁年月人名均小異大小鉛廠或為五開屬地與抑別一役與

二十五年晉寧侯葉昇調永順兵征安福夏二向天福斬獲天黃地黃等級

李志

成祖永樂十八年總兵官蕭綬調永順兵征巖頭等處又征篁子坪苗

李志

宣宗宣德七年永順宣慰使彭仲同子世雄奉調征大小荷蓬等處所向克捷屢加獎勞

李志

英宗正統十四年宣慰彭世雄奉調隨靖遠伯王驥討清浪衛

李志

景帝景泰六年宣慰彭世雄奉調隨南和伯方瑛征五開銅鼓

李志

案通鑑輯覽載先是景泰二年廣通王徽燂以謀逆廢為庶人其家人蒙能叛入廣西稱蒙王糾生苗三萬餘攻武岡龍里新化銅鼓諸城官軍屢勦不能克至是帝命瑛為平蠻將軍討斬之彭世雄之奉徵調大畧即此事也

英宗天順二年諭世雄調土兵會勦貴州東苗明史永順宣慰司傳

案通鑑輯覽載天順三年東苗于把諸等攻都勻諸衛命方瑛率川湖雲貴軍分四道擊之所向皆捷生擒于把諸送京師磔之

六年宣慰彭顯英奉敕調征桂陽苗寇七年又調征天柱南洞叛賊李志

憲宗成化元年調征廣西大藤峽徭李志

案通鑑輯覽載潯州夾江諸山險峻中有大藤如斗延亘兩崖勢如徒杠蠻衆蟻渡號大藤峽自景泰以來嘯集爲亂墮城殺吏所至邱墟至是帝命僉都御史韓雍討之又龔大萬潯州府志載成化初大藤峽徭人侯大狗爲亂上命韓雍討之雍至全州會陽崗苗賊爲梗擊滅之至桂林衆議乘勝攻峽雍按圖籍曰修仁荔浦爲藤峽翼蔽須滅此而後可殲其黨乃以永順保靖兩江土兵分五路進追至力山力山在藤峽府

江之間中多徭人以胡藍侯槃四姓爲渠魁大敗之雍至潯州復分兵進追賊至九層崖賊大潰生擒侯

大狗而還

永順縣志 卷二十四 武備志 徵調 七

二年永順兵從陝西巡撫項忠討荆襄流民明史作成化中似未定何年也而李荆襄志云二年敕征襄陽流民故據之

上游爲鄖陽古麋庸二國地元至正間流賊聚此爲亂終元世不能制洪武初鄧愈以兵勦除空其地禁流民不得入然地界秦豫楚之間又多曠土山谷阨塞林箐蒙昧中有草木可採掘以食正統二年歲饑民徙入不可禁其中巧黠者稍稍相雄長漢中守臣以聞請誅之英宗曰小民爲饑寒所迫奈何用兵命御史往撫謫戍數人餘陽聽撫而大奸潛伏不出尋復縱三省長吏又多諉非己境因循不治通鑑輯覽至是有李鬍子者

稱平王與小王洪王彪等掠南漳房內鄉渭南諸縣流民附賊者至六百萬乃詔忠總督諸軍務與湖廣總兵官李震討之忠奏調永順保靖土兵而先分軍列要害多設旗幟鉦鼓遣人入山招諭流民歸者四十餘萬明史項忠傳

三年兵部尙書程信調遣永順兵征都掌蠻明史永順宣慰司傳時四川山都掌大壩等寨蠻叛

總督程信奏都掌地勢險要必得土兵鄉導請敕東川芒部諸府兵並速調永順保靖

兵以備征遣明史四川永寧司傳

四年奉敕征西襄賊

李志

十一年討平九甫二塘叛賊

李志

十四年調征永寧州賊

李志

又巡撫閩仲宇調永順兵五千征武岡崙蠻李再萬

詳仲宇征討蠻

寇事宜疏

孝宗弘治五年調征施州銀山嶺叛賊俘獲白嘴俾譚景隆等解驗

李志

七年調征貴州都勻叛賊

李志

案通鑑輯覽載都勻苗也富架長脚等作亂帝命巡撫鄧廷讚討之廷讚與兵備副使吳倬遣熟苗詐降富架誘入寇伏兵擒之永順兵之奉調蓋指此事也

十四年請征武岡苗寇降敕褒獎

李志

又奉調征雲南賊婦米魯

明史永順宣慰司傳

案通鑑輯覽載普安土司隆暢既老子禮聽營長阿保讒構相仇怨暢有妄曰米魯以罪見逐依禮同居禮阿保皆與亂暢聞誅禮阿保懼禍助米魯率眾攻暢殺之鎮守太監楊友等討之大敗賊乘勝劫掠普安幾陷帝命南京戶部尚書王軾提督軍

### 永順縣志

#### 卷二十四

武備志 徵調

八

務討之軾調官土兵分道進擊連破賊賊遁走僉事王懋中土知府鳳英追及之馬

尾籠官軍四面急攻米魯突圍出戰英臨陣格殺之

十七年調征廣西思恩賊岑濬俘獲賊首奉敕褒諭

李志

武宗正德六年永順土舍彭世麟平四川時四川賊藍廷瑞鄢本恕等及其黨二十八人

倡亂兩川烏合十餘萬人僭王號置四十八營攻城殺吏流毒黔楚

明史永順宣慰司傳洪鍾傳云藍廷瑞

稱順天王鄢本恕稱刮地王其黨甚眾蔓延湖廣陝西之境然屢被官軍所困李瑾縣志亦謂調征陝西漢中府四川僭號為刮地王等賊

總制尙書洪鍾討之不克已而為官軍所遏

明史永順宣慰鄢本恕寇巴州巡撫林俊遣李蔭等擊敗之

乏食乃佯

聽撫劫掠自如

宣慰司傳

廷瑞以所掠女子詐為己女結婚於世麟冀得間逸去

明史洪鍾案永

順司宗譜載尙書洪鍾調世麟兵八千進勦斬獲賊首老人冉總甲等賊逃遁至四川東鄉路浪洋寺以女結婚冀緩兵又明史宣慰司傳亦謂廷瑞以女結婚于世麟冀緩兵世

麟偽許之據此二說均謂為廷瑞之女然川賊狡黠

世麟密白鍾鍾受方略使圖之

世麟因與約期廷瑞本恕及王金珠等二十八人皆來會世麟伏兵擒之

宣慰司傳洪鍾傳云及

期廷瑞本恕及其黨王金珠等來會伏發悉就擒

餘賊潰渡河官兵進圍之擒斬及溺

林俊傳亦云本恕廷瑞為永順土舍彭世麟所擒



死者七百餘人

宣慰司傳 通鑑輯覽云賊依山結營陽言就撫以計緩師官軍為七壘守之賊不得逸其黨漸潰永順土舍彭世麟以計擒廷瑞本怒送洪鍾斬

之餘賊

總制巡撫以捷聞獎賚有差論者以是役世麟為首功云宣慰司傳有廖麻子者獨

逸去轉掠兩川官軍不敢擊躡賊後賊良民為首功土兵虐尤甚時有謠曰賊如梳軍

如篦土兵如鬚

通鑑輯覽

七年宣慰彭明輔擊敗河南賊時劉惠趙燧反聞官軍至奔汝州抵潁州屯朱臯鎮

仇越

明輔及都指揮曹鵬等以土軍追及之賊倉卒渡河死者二千人斬首八十餘級

巡撫李士實以捷聞命永順宣慰格外加賞仍給明輔誥命

永順宣慰司傳

案仇越傳於屯朱臯鎮下書云永順宣慰彭明輔等擊之賊倉卒渡河溺死者二千

人餘衆走光山土司傳於宣慰彭明輔上書云七年賊劉三等自遂平趨東臯劉三

疑為劉惠朱臯東臯草書字形相似未知誰誤

十一年秋貴州香鑪山苗叛奉檄征勦

李志

十二年從征榔桂搖龔福全福全者宜章莽山搖酋也先是正德四年攻陷安仁桂陽

### 永順縣志

#### 卷二十四

武備志 徵調

九

王闔運桂陽州志

十一年稱王大肆剽掠

永順司宗譜作稱延溪大王又以為貴州叛苗者誤

至是年都御史秦金會同

南贛都御史王守仁分布諸將進討副使陳璧自桂東進參議黃質自桂陽進王濟率

致仕宣慰彭世麒自郴州進僉事顧瑛自臨武進諸漢土官兵直搗巢穴斬首三千餘

級擒福全等磔諸市

湖廣通志

是年貴州清平苗阿旁阿偕阿革等稱王巡撫曹祥調永順保靖土兵討之

明史鄒克文盛傳

破土堯險寨擒阿旁阿浪等酋

李志

世宗嘉靖四年從討廣西田州土官岑猛時謀不軌巡撫盛應期議大征尋以事去以都

御史姚鏞代之

明史廣西土司田州傳

鏞調永順保靖兵令都指揮沈希儀統之進討結猛婦翁

岑璋為內應斬猛長子邦彥復誘猛殺之以其首獻田州平後改為流官五年田州既

設流官州人皆不樂猛黨盧蘇王受等糾衆為亂陷州城鏞不能定

通鑑輯覽○案蔡梅歷代沿邊險要

考載盧蘇田州叛目王受思恩叛目

御史陳金委罪前撫盛應期生事召釁給事中鄭自璧請仍檄湖廣

永順保靖兵併力勦賊帝以四方兵歸休豈可復調命再酌機宜以聞久之鏞復疏調

湖廣永保土兵江西汀贛番兵會於南寧併力進勦帝不聽乃起原任兵部尚書王守

仁討之廣西土司田州傳守仁疏言田州地鄰交趾獠獠出沒宜仍設土官俾為屏蔽通鑑守

仁至潯州永順兵奉檄破牛場寨又勦南寧聞歸降乃征潯州獲賊級解報志會巡按

御史石金定計招撫悉散遣諸軍留永順保靖兵數千解甲休息蘇受初求撫不得至

是守仁受之乃數其罪杖而釋之明史王守仁傳隨入營撫定其衆因上言岑氏世効邊功宜

存其祀請割田州地別立一州以猛次子邦相為吏目署州事設巡檢司十九以蘇受

等任之並受約束於流官報可田州以安通鑑

五年從王守仁征斷藤峽獠斷藤峽者即廣西大藤峽也昔韓雍平獠將藤斧斷故名

其地上連八寨八寨在廣西上林縣北為思吉周安古卯古蓬古鉢都者黑羅利丁後又益龍哈哈咳為十寨下通仙臺花相等崗盤

亘三百里其獠賊常流劫潯梧上下遂成大寇守仁奉命督兩粵駐南寧既招降蘇受

等議八寨去斷藤稍遠先攻峽賊而分兵勦八寨賊可滅也於是按兵南寧偽遣還永

順保靖兵密使乘機擊之於是永順兵復攻牛場保靖兵攻大寺諸巢出賊不意四面

# 永順縣志

## 卷二十四

武備志 徵調

十

突進賊大敗退保仙女山據險結寨官兵復攻拔大拔油榨石壁大陂等巢賊走斷藤

峽退至橫石江賊舟覆死者甚衆守仁還兵潯州密檄諸將分兵勦仙臺等賊於是永

順兵由盤石大黃江口進勦仙臺花相等崗保靖兵由烏江口丹竹塢登岸進勦白竹

古陶羅鳳等巢賊初聞牛場等處破嚴為守備官軍兩路奮擊大破之賊走保安力

山復進搗之賊大潰奔諸路者皆為官軍所殲斷藤峽復寧潯州府志

七年王守仁將班師以湖廣土兵多病死於南寧諸處迺遣知府蔣山卿祭之王文成

王守仁祭湖廣土兵文維湖廣永順保靖二司之土兵多有物故於南寧諸處者嘉靖七年六月十五日乙卯欽差總制四省軍務尚書左都御史新建伯王委南寧府知府蔣山

卿等告於南寧府城隍之神使號召諸物故之魂魄以牛二羊四豕四祭而告之曰嗚呼

旅魂飄飄於異域無所依倚嗚呼痛哉三年之間兩次調發使爾絡繹奔走於途途不獲

顧其家室竟死客鄉此我等同上之罪也復何言哉復何言哉古者不傷心慘目可盡言乎

王不而一夫不獲其所况忍驅無辜之赤子而填之於溝壑且傷心慘目可盡言乎

傷之酷而已也所過之地皆為荆棘所住之處遂成塗炭民之毒苦傷心慘目可盡言乎

邇者思田之役予所以必欲招撫之者非但以思田之人無可勸之罪於義非命耶嗚呼

正不欲無故而驅爾等死於必欲招撫之者非但以思田之人無可勸之罪於義非命耶嗚呼

傷哉人執無死爾等必窮鄉絕域能死乎今人不出戶庭或飲食傷多或逸欲過節醫治

馬革裹尸不願死於婦人女子之手者若爾等之死真無愧於馬革裹尸之言矣嗚呼壯士爾死何憾乎今爾等徒侶皆已班師去矣爾等游魂漂泊正可隨之西歸耳爾等尙知之乎爾等其收爾游魂歛爾精魄風逐霧隨爾徒侶去歸其鄉依爾祖宗之墳墓以棲爾魄享爾妻子之蒸嘗以庇爾後爾等徒侶或有征調之役則爾等尙鼓爾生前義勇之氣以陰助爾徒侶立功報國爲民除患豈不生爲壯烈之夫而歿爲忠義之士也乎予因疾作不能親臨祭所一哭爾等以舒予傷感之懷臨文悽愴涕下沾臆今委知府布告予衷爾等有靈尙知之乎嗚呼傷哉

十四年寧鄉寇起掠湘鄉等處明年巡撫翟瓚及平蠻將軍譚綸遣宣慰使彭宗舜等討之七月宗舜次於龍山其族九齡次於龍田均追賊數百里俘斬甚衆通志

十九年從征五寨司三月五寨司苗侯答保結黨出劫土官龍騰霄被傷辰州兵備副使李瑜調永保土兵千人抵其寨擒首惡龍答己侯答保等辰州平苗攷又沅州衛指揮周

寶領永順兵四百進抵五寨司步款寨前撫定大小略變排那孟叟亞保回崖口等十寨又辰州衛守備尤欽督永保鎮溪兵一千進臘耳山斬獲酋首三十八顆生擒一

人苗防備覽

二十一年篁子坪苗酋龍母叟糾銅坪苗攻圍麻陽都御史萬鏜調永保等處土兵及

### 永順縣志

#### 卷二十四

武備志 徵調

十一

官軍一萬一千七百名進剿羣苗降常德府志

二十二年辰州衛指揮尤欽與指揮吳山等督永順宣慰彭宗舜鎮溪土官田應朝領兵征苗入高巖立營會暑兩班師量留永保土兵與鎮篁五寨兵相兼防守苗防備覽是時

諸苗儲食甚富故據險抗命十二月宗舜與保靖宣慰彭蓋臣等攻克捌鬼朦朧瓦轟諸峒及巴龍都庫諸寨楚紀

二十三年宣慰彭宗舜等攻克臘耳雷公諸山及糯塘岳口諸寨三月復進臘耳山後攻克木葉諸山及治古諸峒上下塘諸寨斬首七百七十有奇生擒七十九人俘獲男

女共二百二十三人辰州平苗攷

二十七年總督張岳征苗檄永保二宣慰會兵討湖苗助逆者斬其渠首數十人苗防備覽

三十年苗首龍許保吳黑苗等竄入鎮篁張岳檄永保二宣慰會兵討之鎮溪土指揮田應朝橫恣合酉陽兵攻平茶阻撓官軍岳以計杖殺其叔田勉應朝懼因永順宣慰

來見岳斬之諸苗略定岳以黑苗深匿未除恐生患乃縱還其親黨而密督諸土司索

之辰州平苗致

三十三年冬調永保土兵協勦倭賊於蘇松明年永順宣慰彭翼南統兵三千致仕宣慰彭明輔統兵二千俱會於松江時保靖兵敗賊於石塘灣永順兵邀擊賊奔王江涇大潰保靖兵最永順次之帝降敕獎勵各賜銀幣翼南賜三品服先是永順兵勦新場倭倭故不出保靖兵爲所誘遽先入永順土官田菑田豐爭入爲賊所圍皆死之議者皆言督撫經畧失宜致永順兵再戰再北及王江涇之戰保靖犄之永順角之斬獲一千九百餘級倭爲奪氣蓋東南戰功第一云時永保二宣慰破倭後兵驕所過皆劫掠緣江上下苦之御史請究治部議以土兵新有功遽加罰失遠人心宜諭責之並令浙直練鄉勇嗣後不得輕調土兵焉

明史永順宣慰司傳

案明史張經傳云嘉靖三十二年朝廷以倭寇猖獗令經爲總督討之經徵兩廣狼土兵聽用歷日選兵練將爲搗巢計以浙江山東兵屢敗欲俟狼土兵至用之明年田州瓦氏兵先至欲速戰經不可以待永順保靖兵之集會侍郎趙文華以祭海至

## 永順縣志

### 卷二十四

武備志 徵調

十二

與巡按胡宗憲比屢趣進兵經曰賊狡且衆待永保兵至夾攻庶萬全文華密疏糜餉殃民畏賊失機帝卽下詔逮經時三十四年五月也方文華拜疏永保兵已至其日卽有石塘灣之捷倭突嘉興經遣參將盧鏗督保靖兵俞大猷督永順兵由泖湖趨平望湯克寬引舟師由中路擊之合戰於王江涇斬賊首一千九百餘級焚溺死者甚衆自軍興來稱戰功第一 任環傳云嘉靖三十二年倭賊屯新場環時爲蘇松兵備與都司李經等率永順保靖兵攻之中伏保靖土舍彭翅等皆死 俞大猷傳云倭屯松江柘林者盈二萬總督張經趣副總兵俞大猷戰大猷不可及永順保靖兵稍至乃從經大破賊於王江涇 李瑾縣志嘉靖三十四年倭夷寇亂湖州馮總督檄令同徂討平望驛陸涇塘等處俘獲解驗三十五年倭夷復寇奉調赴浙克捷奏報 王圻續文獻通考云王江涇之捷張經以粵西瓦氏兵配俞大猷以蘭那地南丹兵配郭繼芳以歸順兵及募至東莞打手配湯克寬合永順保靖之兵遂獲大捷 合而觀之敘事詳略間有不同而大致未爽再攷日本國史其大將豐太閣

常擁兵犯沿海地方自王江涇敗後不敢復出者垂數十年知永保擊日本之功洵爲不小然調遣土兵其害有不可勝言者當時有心人曾議及之游震得曰邇來東海征倭動調永保容美大喇鎮溪諸土兵涉境三千餘里以舟楫言之始則官爲捕送繼則兵自搶掠拘繫連月勞苦彌年商賈爲之不通舟人爲之喪業其困一也以供億言之土官目把名色衆多廩糧犒給應付無藝公帑易空民力並竭其困二也况又分兵陸行騎坐馬匹數百爲羣驃壯則騎占不還瘦弱則倒斃相繼其困三也寄宿民居折屋爲薪毀廩求食甚至卷膚人畜姦辱婦女此則水陸之所同苦其困四也且土兵以調發爲重驕盈之氣日生楚人以調發爲苦疑畏之心日甚惟思轉徙以冀幸免若復再聞調發必將瓦解流移設有奸宄乘機嘯聚烏可無慮伏乞渙發德音示無再調則民安無擾而隱患可弭矣

穆宗隆慶時總制殷正茂遣總兵官李錫等討柳州徭賊據險死守正茂知諸徭獨畏永順鈎刀手及狼兵乃檄數萬人擊太平河裏諸村大破之連拔數寨斬賊首榮才富吳

### 永順縣志

#### 卷二十四

武備志 徵調

十三

金田等前後捕斬凡三千餘俘男獲女及牛馬無算

明史廣西柳州土司傳

神宗萬曆元年征蠻將軍李錫征廣西正月進次長安鎮會連日雨雪乃退師益徵浙東

烏銃手湖廣永順鈎刀手令將統之水陸並進

明史李錫傳

永順土兵三千至廣西懷遠諫

冲唐山天有等處斬賊首二百餘級生擒三十餘口

宣慰司志

案李志云萬曆元年湖廣廣西兩巡撫同調宣慰彭永年兵征廣西徭寇大破巢穴擒斬三百餘級事聞禮部議行賚賜與史志所紀詳略不同可合而觀之

六年廣西哱咳寨徭藍公潺執土吏目黃如金巡撫趙文華檄守巡道吳善陳俊徵永順白山兵及狼兵勦之平橫山哱咳諸巢諸徭請還侵地及所掠生口願輸賦如良民

遂班師

明史廣西平樂土司傳

萬曆中水西賊將張守欽袁五受據長菁萬丈深林永順兵擊破之生禽守欽攻清潭

復禽五受

明史李應祥傳末童元鎮傳

十五年播州叛總督檄宣慰彭元錦征乾溪苦茶園等壘斬獲賊級解驗奏

題優敘 李志

二十五年東事棘 清兵犯遼東 調永順兵萬人赴敵宣慰彭元錦請自備衣糧聽調既而罷

之 明史永順宣慰司傳

二十八年播州楊應龍叛李化龍征之令童元鎮督永順鎮雄泗城諸土軍由烏江進

元鎮至烏江按察使楊寅秋言烏江去播不遠宜俟諸道深入與俱進元鎮不從於是

永順兵先奪烏江賊遣千餘人沿江叫罵以誘之諸軍既濟復奪老君關既而敗烏江

去河渡六十里猶未知明日參將楊顯發永順兵三百出哨道遇賊數萬咸為水西裝

永順兵不之疑賊掩殺三百人亦襲其裝直趨烏江烏江軍信為水西永順軍不設備

遂為賊所破爭先渡江死者甚眾江水為之不流 明史李應祥傳○四川土司傳云萬曆中大兵征播州揚應龍應龍突犯

烏江稱水西隴澄會哨誘永順兵斷橋淹死將卒無算

四十七年兵部言前調永順宣慰彭元錦兵三千人援遼已半載到關者僅七百餘人

命究主兵者 明史永順宣慰司傳 其時逃回者十四人均斬其手足並令永順續補二千人以抵

永順縣志 卷二十四

武備志 徵調

十四

逃兵之數

中樞奏議戶部侍郎楊嗣昌陳兵餉疏中有謂調土兵之害云土兵四萬取紀律即不他者有搶掠但求遂或得其一食渴飲之用當忍小痛以勝言較之永順前調三千到關者

止有八百逃回斬首足復不能歸穴一十四人其續補二千以盜賊出沒於彝漢兩界之間而兩

人進既不能到遼復不能歸穴一十四人其續補二千以盜賊出沒於彝漢兩界之間而兩

處多不得問耳今之四萬保無窮亦自甚繁今遠調沙場非其本願設有抗令趨超請

固齋發者朝廷將運糧以外別有無主苗民如所稱紅苗仲家者類出圍城劫寨近歲驅

川湖貴三省除土司外別有無主苗民如所稱紅苗仲家者類出圍城劫寨近歲驅

報怨貴州以梗塞雲南西兵從此多事設自臨城通印如阿克者朝廷忍而不問乎是必

生一遼東也猶曰遠在千里之外也土司仇殺自古及今日以為常戡之猶虞其動之安

望其戢鼠鬪穴中無論已今之調發俱往遼東台之川兵幾五六萬誰為大將可為諸苗

素所懾服者統之不可使兵知且如播之役安彭二氏互殺驅莫解也今以豫附者一萬彭之

人狠心烏合者統之不可使兵知且如播之役安彭二氏互殺驅莫解也今以豫附者一萬彭之

同後一萬八千同調之冤與不平之訟使居同地出同塗勝同攻同罪臣雖至愚知其

不可夫土司無故而窺我內地必且猜而拒之雲雙闕而討之此何等大事豈可嘗試為之哉

古人之用此者皆在中國之外牛羊之五雲雙闕而討之此何等大事豈可嘗試為之哉

不過朝廷之邊烽何利以維持中國之威何力足以驅遣耳嗟乎名分何物土司何人可用之者

以維持乎若我之威力業已無邊烽又焉用彼乎彼亦何所復憚而招之必來驅之必死  
爲我戮力同心必如子弟手足之捍衛乎今瓊林大盈之積頗有擅名引萬里非類之兵  
一一金錢不知當用何項錢糧臨時作何慰遣此須有備而無患不可有患而無備也臣自  
聞調兵朝思暮算利害亦略分明心肝亦幾嘔出然不敢斷斷曰不當調兵也但思今日  
兵部當調有用之兵不當調無用之兵當調禦暴之兵不當調爲暴之兵此臣日夜私憂  
終難隱忍者敢昧死爲皇  
上忠言伏望少垂省覽

四十八年進元錦都督僉事先是元錦以調兵三千爲不足立功願以萬兵往朝廷嘉

其忠加恩優渥既而調兵八千僅以三千塞責又上疏稱病爲巡撫所劾得旨切責元

錦不得已行兵抵通州聞三路敗衄杜松出撫順李如柏出鴉滑關遂大潰於是巡撫

徐兆魁言調永順兵八千費逾十萬今奔潰虛糜無益罷之明史永順宜慰司傳

清聖祖康熙十二年吳三桂叛盤踞荆湖宣慰彭廷椿奉密諭進勦辰龍關率領苗土精

兵三千自襄餼糧駐劄王村距賊上游由高望抵辰州協擊王氏縣志

十九年南渭州彭宗國隨父凌高攻克辰龍關又隨勦紅苗唐氏縣志

二十四年統兵郭忠孝征苗調永保二土司兵助戰降沿邊三岔等二十五寨排那等

### 永順縣志

#### 卷二十四

武備志 徵調

十五

一十三寨生苗苗防備覽又攻破地良寨燔木營斬苗二千七百餘級進攻補頂寨生擒吳

老覽等殲賊首吳二過於陳平苗紀略

三十八年乾州苗殺虜官兵數百人把總郎得功陷焉參將朱紱會永保土兵勦之唐志

南渭知州彭凌高親冒險阻直趨崇山衛以遏苗之後路駐兵三日王師乃通而苗勢

日蹙紛紛詣軍門請降南渭州譜

四十四年支羅洞黃忠叛奉調出師縛賊未幾施南散毛張三王戌仲大肆猖獗又擒

二司土官覃宇覃榮及張三等特賜誥命永順司宗譜

四十八年鎮筵苗吳老吉等陷德勝營巡撫趙申喬勦之宣慰彭弘海從征有功賜敕

嘉獎段汝霖苗志

高宗乾隆六十年雲貴總督福康安會湖廣總督福寧勦苗永順土苗張廷仲請効力討

賊先是廷仲與蕩宅苗石大貴攻殺九谿營遊擊被捕福康安飭令殺大貴以贖罪自

是得資其力府志續編又永順協慶溥奉調飭千總張應宗把總朱芝智外委秦天位等分

赴古丈坪龍山及湖北等處勦苗匪教匪 唐志

六十一年逆苗薄保靖城下勢張甚知縣趙應錚將殉城聞永順援兵至苗始散 府志續編

官名

世宗道光二十七年乾州苗石觀保等私創夥款名色作亂因荒旱嘯聚歛黨於楊孟寨起事抗租於是永綏苗孫文明鳳凰苗龍朋科甲等皆從亂時鎮守道調集營屯兵練分途兜勦古丈營守備瞿騰龍屯守備田宗蕃等率兵練千五百人督苗守備吳永清等以苗兵三千助戰連破苗於鴨保寨乘勝直擣龍朋科甲巢穴盡獲渠魁 古丈志

文宗咸豐元年粵匪入永安州巡撫調協營千總朱承先把總姜文元外委姚大典歐占

魁等赴永明防堵 府志續編唐縣志

二年調把總黃士位外委馬上升宋顯仁等帶兵赴永州防堵又千總朱永貴把總易

仁漢外委彭開科等帶兵赴省城防堵 唐志

三年調千總姜文元把總宋士成帶兵赴省城防堵四年撤回 府志參

永順縣志 卷二十四 武備志 徵調 十六

四年調把總黃士位外委石獻廷楚洪貴帶兵赴省城防堵 府志參

五年廣東韶州賊猖獗本省巡撫調把總宋士成外委姜文魁董錫翔帶兵赴湖北防

堵 府志參

十一年粵匪石達開陷來鳳賊黨逕犯龍山候選州判黃元齡入城死守永順府知府張修府永順協副將張昕率千總田士材宋士成雲騎尉姜南焜外委楊芳春等帶兵赴援賊撲城擊却之舉人易佩紳募勇赴蜀中途聞警星夜馳援前鋒擊賊於官渡口中伏失利賊乘勢攻城經昕元齡等擊退佩紳整軍復進與龍山守城兵犄角賊由是退但於邊界往來不復撲城矣 通志縣志